

## Tafsiira Suuratu Ar-Ruum-Kutaa 10

### Description

#### Islaamni Amanti Fixraati

Fixraa jechuun uumama Rabbiin subhaanahu wa taâ€™aalaa namoota irratti uumedha. Fkn, haqa jaallachuun, zulmii jibbuun fixraadha. Namni jirenya keessatti takkaa wanta isa keessatti uumamen (fixraan) takkaa sammuun itti yaadun muxannoo argateen takkaa immoo qajeelcha Rabbii oltaâ€™aa irraa dhufeen (shariâ€™aadhaan) karaa qajeelaa irra deema. Kunniin sadan (fixraan, sammu fi shariâ€™aan) kan walitti galanii fi wal jabeessaniidha. Rabbiin subhaanahu wa taâ€™aalaa fixraa fi sammuuttiin yaadan erga namaaf kenne booda karaa ergamtootaatiin shariâ€™aa buusun fixraa fi sammuuttiin kana ni guuteef. Kanaafu, namni shariâ€™aa Isaa hordofe, sammu fi fixraan isaa ni guuttama, jallinnaa fi badiinsa irraa ni eeggama. Namni hordofu dide immoo sammuun isaa ni hirâ€™ata, wanta fixraa isaatiin wal diigu hojjata. Dhumarratti ni jeeqama. Gammachu dhaba. Kanaafu, Islaamni amanti uumama namaatin walitti galuudhaa jechuudha. Mee ragaa kanaa haa ilaallu:

فَأَقِمْ وَجْهَكَ لِلَّدِينِ حَنِيفًا فِطْرَتَ اللَّهِ الَّتِي فَطَرَ النَّاسَ عَلَيْهَا لَا  
 بَدِيلٌ لِخَلْقِ اللَّهِ ذَلِكَ الْدِينُ الْقِيمُ وَلَنْكُنْ أَكْثَرَ  
 الْكَافِرُونَ لَا يَعْلَمُونَ



â€œGara haqaatti dabuun fuula kee amantiif qajeelchi. Fixrah Rabbii kan Inni namoota hundaa irratti uume [qabadhaa]. Uumama Rabbiin jijjiруun hin jiru. Santu amanti qajeeladha. Garuu irra hedduun namootaa hin beekan.â€ Suuratu Ruum 30:30

**Haniifaa** jechuun shirkii fi maâ€™asiyaa irraa gara tawhiidaa fi Rabbiif ajajamuutti dabuudha [1] Tahwiida fi Rabbiif ajajamuun haqa. Shirkii fi maâ€™asiyaan immoo soba.

**Fuula Amantiif qajeelchun** kan taâ€™uu osoo bitaa fi mirga hin milâ€™atin adeemsaa jirenyaa keessatti namni karaa Rabbiin irratti fuula isaa qajeelaa gochuudha. Kunis karaa lamaan taâ€™a: 1ffaa-niyyaa Rabbiif qulqulleessu. Kuni ikhlaasa jedhama. 2ffaa-shariâ€™aa hordofuu. Kuni Nabiyyii (SAW) hordofuudha.

Kanaafu, â€œGara haqaatti dabuun fuula kee amantiif qajeelchi.â€ Jechuun shirkii fi maâ€™asiyaa irraa gara Rabbiin tokkichoomsu fi Isaaf ajajamuutti dabuun amantii Rabbiif qulqulleessi, shariâ€™aa Isaa hordofi.

Asitti adeemsa namaa ibsuuf h â€œfuulaâ€ jedhu ni filate. Sababni isaas, namni itti fufiinsa waliin fuulaan gara wanta tokkootti qajeeluun adeemsa keessatti karaa isaa filachuu agarsiisa. Akkasumas, qaamoleen miiraa dhageetti fi argitu fuula keessa jiru. Qaamoleen miiraa kunniin adeemsa karaa isaa keessatti kan nama tooâ€™ataniidha<sup>[2]</sup> Namni karaa naaf taâ€™a jedhe arge ykn dhagayee keessa deemuuf carraaqa.

Asitti amantiin barbaadamee amanti haqaa Rabbiin gabrootaaf kaaâ€™edha. Amantin kunis Islaama. â€œfuula kee amantiif qajeelchiâ€ jechuun qalbii fi qaama keetiin itti garagaluun gara amanti Islaamaa fuula kee qajeelchi, hordofuu itti fufi.<sup>[3]</sup>

Gara wanta tokkotti fuula qajeelchuun wanta san hordofuu fi faallessu dhiisu barbaachisa. Kanaafu, fuula amantiif qajeelchuun ikhlaasaa fi Rasuula (SAW) hordofuu of keessatti qabata. Hojiin kamiyyuu ikhlaasaa fi shariâ€™aa hordofuu irratti hin hundoofne baaxila (buâ€™aa homaatu hin qabu). Sababni isaas, hojiin yoo ikhlaasa dhabe shirkii taâ€™a. Yoo shariâ€™aa hordofuu dhabee immoo bidâ€™aa taâ€™a. Nabiyyiin (SAW)akkana jedhanii jiru: â€œHojiiwan hundi niyyaani.â€ Kuni Ikhlaasa. Ammas ni jedhe: â€œNamni hojii dhimmi keenya irra hin jirre hojjate, suni deebifamaadha (fudhatama hin qabu).â€ Kuni shariâ€™aa hordofuudha<sup>[4]</sup>

**â€œFixrah Rabbii kan Inni namoota hundaa irratti uume[qabadhaa].â€** Fixrah jechuun uumama Rabbiin namoota irratti uume fi, qalbii fi sammuu isaanii keessa kaaâ€™edha. Fakkeenyaa, wanta gaarii jaallachuu fi wanta fokkuu jibbuun uumama Rabbiin namoota irratti uumee fi qalbii isaanii keessa kaaâ€™edha. Ammas,namni luka lamaan deemuun fixraadha. Garuu lukaan waa fuudhun faallaa fixraati.

Fixraan aayah tana keessatti barbaadame: Rabbiitti amanuu fi Isa tokkichoomsu (tawhiida). Namni kamiyyuu Gooftaa isa uume akka qabu keesso isaatti ni beeka. Rabbiin tokkicha haqaan gabbaramu akka taâ€™e keesso isaatti ni beeka. Kuni fixraadha. Shirkiin immoo faallaa fixraati.

Islaamni amanti fixraati. Sababni isaas, hundee fi dameen isaa wanta Rabbiin namoota irratti uumeen kan walitti galuu fi hin faallessineedha. Islaamni sammuu ilma namaa keessatti wanta fokkuu jedhame hundarrraa ni dhoowwa. Wanta sammuu qulqulluu taate keessatti gaarii taâ€™e hundatti ni ajaja. Kanaafu Islaamni fixraadha. Namni kana keessaa bahe, fixraa faallessee fi balleessee jira.<sup>[5]</sup> Akkuma Nabiyyiin (SAW) jedhan: â€œDaaâ€™imni dhalatu hundi fixrah irratti dhalata. Ergasii haadha abbaan isaa takkaa yaahudaa takkaa kiristaana takkaa immoo majuusa isa godhu.â€ ([Sahih Al-Bukhaari 1385](#))

Amantiin yahuuda, kiristaanaa fi majuusa shirkii irratti waan hundaaâ€™aniif fixraa (uumama Rabbiin irratti uume) faallessu. Islaamni immoo tawhiida irratti waan hundaaâ€™eef, amanti fixraati. Ammas, Islaaman ala amanti biroo keessa wanta uumama namaa waliin hin deemnetu jira. Fakkeenyaf, Kiristaanummaan molokse fuudhaa heeruma irraa ni dhoowwa. Kuni uumama kan faallessuudha. Islaamni immoo fuudhaa heerumatti nama fuudhu dandaâ€™u hunda ni ajaja. Kuni wanta uumama namaa waliin deemudha. Shariâ€™aan Islaamaa uumama namaatti kan galuudha.

## Kanaafu, Islaama qabachuun uumama Rabbiin namoota irratti uume qabachuudha.

â€œUumama Rabbii jijiruun hin jiru.â€ Kuni hiika lama qaba:

**1ffaa-**Uumama Rabbiin namoota irratti uumee hin jijirinaa. Fakkeenyaaf, shirkiidhaan amanti uumamaa isaanii hin jijirinaa **2ffaa-** Uumama Rabbiin namoota irratti uumee eenyullee jijiruu hin dandaâ€™u [6]

**â€œSantu amanti qajeeladha. Garuu irra hedduun namootaa hin beekan.â€** Kana jechuun amantin Islaamka amanti qajeelaa jaalala Rabbii fi Jannata Isaatti nama geessudha. Garuu namoonni irra hedduun (baayâ€™een) amantin kuni qajeelaa fi haqaa taâ€™uu hin beekan. Osoo beekanillee hin hordofan [7]

Namni akkana jechuun gaafachu dandaâ€™a: Islaamni amanti fixrah fi qajeelaa erga taâ€™ee namoonni baayâ€™een akkamitti amanti kanarraa garagalu ree?â€ Deebiin itti aansun ni dhufe: â€œ**Garuu irra hedduun namootaa hin beekan.â€** Fedhiin isaanii Aakhirah irraa garagaluun addunyaa tana qofatti waan maxxaneef haqiqaa (dhugaa) amanti kanaa hin beekan. Sababa isaan beekumsa sirrii argachuuf carraaqu dhiisaniif Islaamni amanti fixrah fi qajeelaa taâ€™uu hin beekan [8]

﴿ مُنِيبِينَ إِلَيْهِ وَأَتَقْوُهُ وَأَقِيمُوا الصَّلَاةَ وَلَا تَكُونُوا مِنَ الْمُشْرِكِينَ ﴾  
﴿ مِنَ الَّذِينَ فَرَقُوا دِينَهُمْ وَكَانُوا شِيَعًا كُلُّ حِزْبٍ بِمَا لَدَيْهِمْ فَرِحُونَ ﴾

â€œGara Isaatti deebiâ€™uun [diini (amantii) Isaa qabadhaa]. Isa sodaadhaas, salaatas sirnaan salaataa, mushrikoota irraas hin taâ€™inaa. Warra amantii isaanii qoqqoodanii fi garee garee taâ€™an irraa [hin taâ€™inaa]. Gareen hundu wanta isaan bira jirutti gammadu. â€œSuuratu Ar-Ruum 30:31-32

â€œ**Gara Isaatti deebiâ€™uun [diini (amantii) Isaa qabadhaa]. Isa sodaadhaas, salaatas sirnaan salaataa, mushrikoota irraas hin taâ€™inaaâ€** Kana jechuun tawbaa fi hojii Isaaf qulqulleessun gara Rabbiitti kanneen deddeebiâ€™an taâ€™aa. Wanta itti ajajamtan hojjachuu fi wanta irraa dhoowwamtan dhiisuun Isa sodaadhaa. Arkaana, dirqamaa fi sharxiwwan guutuun salaata sirnaan salaataa. Namoota Rabbiin waliin waan biraan gabbaran keessaa hin taâ€™inaa [9] Muslimni mushrikoota waliin wanta isaan gabbaran gabbaruu irraa ni dhoowwama. Osoo shirkii xiqaat taâ€™eellee shirkii kanarraa dheessu qaba. shirkii guddaa yoo taâ€™ee dhoowwan garmalee jabaata. Fkn, kan akka taabotaf ykn masqalaaf ykn qeysiif gadi jechuu. Kuni hundi shirkii gurguddaa waan taâ€™eef Muslimni irraa fagaachu qaba. Ammas, ibaada hojjatu keessatti na argaaf (riyaaf) ykn na dhagayaaf hojjachu irraa fagaachu qaba.

Rabbitiin subhaanahu wa taâ€™aalaa itti aanse haala mushrikoota (namoota Isaan ala wanta biraan gabbaranii) ni dubbate: â€œ**Warra amantii isaanii qoqqoodanii fi garee garee taâ€™an irraa [hin**

taâ€™inâa]. â€¢ Amantiin tokko taâ€™ee osoo jiru namoonni kunniin amantii isaanii ni qoqqoodan, garee garee taâ€™an. Amantiin kunis ibaadaa Rabbiif qulqulleessudha. Garuu mushrikoonni kunniin amanti haqaa kanarrraa fotoquun amanti adda addaa godhatan. Isaan keessaa nama sanamaa fi taabota gabbarutu jira. Ammas, nama aduu fi jiâ€™a gabbarutu jira. Ammas, isaan keessaa nama awliyaaâ€™a fi saalihota gabbarutu jira. Kanniin keessaa yahuudotaa fi kiristaanonni ni eeramu.

â€¢**garee garee taâ€™anâ€¢** kana jechuun garee shirkii irraa gareen hundi soba isaan bira jiru deeggaruu fi isaaniin ala namoota jiranitti duuluuf wal taâ€™an. Namoonni amanti fixrah irraa erga fotoqanii amantii mataa ofii uummachuun amanti ni qoqqoodan. Fkn, Kiristaanonni garee garee taâ€™an. Pirootestaanti, Ortodoksi, kaatoliki, hawaariyaata, maali maali jechuun garee garee taâ€™an.

â€¢**Gareen hundu wanta isaan bira jirutti gammadu.** â€¢ Gareen hundi â€¢œnuti haqarra jirra, namoonni biroo immoo soberra jiruâ€¢ jechuun odeessu. Amantii sobaa uumanitti ni gammadu. Sababni isaas, wanti haarlofti isaan uuman kuni faayda addunyaa argachuuf isaan tajaajila. Keessumayyuu hoggantoonni, matootii fi warri faayda guddaa argatan kanatti ni gammadu.[\[10\]](#) Garuu gammachuun gammachuun badaadha. Sababni isaas, kuni baaxilatti (sobatti) gammaduudha. Xumurri isaa adabbiidha. Rabbiin subhaanahu wa taâ€™aalaa ni jedha:

إِنَّ الَّذِينَ فَرَقُوا دِينَهُمْ وَكَانُوا شَيْعَاتٍ لَّسْتَ مِنْهُمْ فِي شَيْءٍ إِنَّمَا أَمْرُهُمْ  
إِلَى اللَّهِ ثُمَّ يُنْبَئُهُمْ بِمَا كَانُوا يَفْعَلُونَ

109

â€¢**Dhugumatti warroonni amanti isaanii qoqqoodanii fi garee garee taâ€™an, ati homaa keessattu isaan irraayyi miti. Dhimmi isaanii gara Rabbiiti. Ergasii wanta hojjataa turan isaanitti beeksisa.** â€¢ Suuratu Al-Anâ€™aam 6:159

Kana jechuun warroonni Rabbiin tokkichoomsu fi shariâ€™aa Isaatti buluu irratti erga tokkoomanii booda amantii isaanii qoqqoodanii garee garee taâ€™an, Yaa Rasuula ati isaan irraa qulqulluudha. Murtiin isaanii gara Rabbii qofa. Ergasii dalagaa hojjataa turan isaanitti hima. Isaan keessaa nama tawbatee fi hojji isaa bareechise mindaa kennaaf. Nama badii hojjate immoo badii isaatin ni adaba.[\[11\]](#)

Aayah armaan olii keessatti Muslimoota amanti qoqqoodu irraa akeekachiisa.

### Kitaabban wabii:

[1] Tafsiir Qurâ€™aanil Kariim-Suuratu Ar-Ruum, fuula-173[\[2\]](#) Maâ€™aariju tafakkuri wa daqaaâ€™iqu tadabbur-15/154[\[3\]](#) Tafsiir Saâ€™dii-752[\[4\]](#) Tafsiir Qurâ€™aanil Kariim-Suuratu Ar-Ruum, fuula-173-174 [\[5\]](#) Tafsiir Saâ€™dii-752, Zaadul Masiir-1094, Tahriir wa tanwiir-21/89-90[\[6\]](#) Tafsiir Ibn Kasiir-6/93, Tafsiir Qurâ€™aanil Kariim-Suuratu Ar-Ruum, fuula-179[\[7\]](#) Tafsiir Muyassar-407, Tafsiir Saâ€™dii-753[\[8\]](#) Tafsiir tahriir wa tanwiir-21/94, Maâ€™aariju tafakkuri wa daqaaâ€™iqu tadabbur-15/15 [\[9\]](#) Tafsiir Muyassar-407 [\[10\]](#) Tafsiir Saâ€™dii-753, Maâ€™aariju tafakkuri-15/156[\[11\]](#) Tafsiir Muyassar-150

---

**Date Created**

September 16, 2020

**Author**

admin